

मंज़ुल्य बाँथ

Source: 'manzûl' bâth'.

Publication of Jammu & Kashmir Academy of Art, Culture & Languages,
Srinagar. Edition - 1990

Rewritten in Devanagari-Kashmiri script by M.K.Raina

Work completed on 13 June 2005. Updated 30.03.2020



M.K.Raina

(१)

अल्लाह गूर, अल्लाह गूर

अल्लाह गूर, अल्लाह गूर
अल्लाह गूर, अल्लाह गूर
वँदिथ लँजी सँदरु गूर
अल्लाह गूर, अल्लाह गूर
ख्वदॉय वँरियो बलाय दूर
अल्लाह गूर, अल्लाह गूर
ख्वदॉय दिचुयो उमर पूर
अल्लाह गूर, अल्लाह गूर
कनन गरय स्वनु सँद्य दूर
अल्लाह गूर, अल्लाह गूर
बुथिस नूर ड्यकस नूर
अल्लाह गूर, अल्लाह गूर
चु छख म्यॉन्य र्वपय कूर
अल्लाह गूर, अल्लाह गूर
चु छख पँरी चु छख हूर
अल्लाह गूर, अल्लाह गूर
गोबरो चु छिहम स्वनु गोबूर
अल्लाह गूर, अल्लाह गूर
सुले फोलुम गुले टूर
अल्लाह गूर, अल्लाह गूर

ओनुमय द्बुबुर, गोरुमय टूर
अल्लाह गूर, अल्लाह गूर
चु छुख म्यान्यन अँछन नूर
अल्लाह गूर, अल्लाह गूर

वंदय जिगर पनुन पूर
अल्लाह गूर, अल्लाह गूर
वंदिथ दिमय ह्यंगल त्यूर
अल्लाह गूर, अल्लाह गूर
अल्लाह गूर, अल्लाह गूर
अल्लाह गूर, अल्लाह गूर



(२)

हो हो बु करुयो अडु कले

दूद चतो दामु दामु गलि गले
हो हो बु करुयो अडु कले
ल्वलि मंज़ बु ललवथ मनकु फले
हो हो बु करुयो अडु कले
तलु पातालय ड्यूतुम ख्वाब
ख्वाबु मँज्य कुच्चाह गँयस बेताब
नागु प्यठु रँटुस नारु वुज़मले
हो हो बु करुयो अडु कले
बाबु म्योन यँद्राज़ु शाह काँज़ी
कस वनु अज़लन दिच्चुम बाँज़ी
पूशुस नु अज़लुनि हांकले
हो हो बु करुयो अडु कले
लानि क्याह ओसुम योर आयस
दायि तोन करने क्रानि द्रायस
रछिथो ख्वनि ख्वनि मंज़ले
हो हो बु करुयो अडु कले
दूद चतो दामु दामु गलि गले
हो हो बु करुयो अडु कले



(३)

छुनिथ र्वनि मंजलिस करय गूर गूर

छुनिथ र्वनि मंजलिस करय गूर गूर
शांद दिमय शांदु गौंड तु ज़रबाफ वूर
छुनिथ र्वनि मंजलिस करय गूर गूर
थनु यैलि प्योहम अडु रातन
ज़ातुक ल्यूखुनय शिव नाथन
वुछमयो ज़ातुकस छय वुम्बुर पूर
छुनिथ र्वनि मंजलिस करय गूर गूर
बब चोन यँद्राज़ु माँज यँबुरज़ल
वथरुन त्रावुयो फर्श मखमल
अँलुरुनि अनुयो जनतुची हूर
छुनिथ र्वनि मंजलिस करय गूर गूर
बब चोन ओसुम बोड पेशकार
कश्मीर मंडलुक तँहसीलदार
बख्तु चानि लोदुनमो तख्त लोहूर
छुनिथ र्वनि मंजलिस करय गूर गूर



(४)

बु गूर गूरय करॉयो

हटि के लॅदरु तु कनु के दुरो
बु गूर गूरय करॉयो
ड्यकु बजि माजि हुंदि पोत्रय हूरो
योत कॅम्य हॉवनय मे निश वथ
द्वदय बायव कोरुय कसूरो
बु गूर गूरय करॉयो
यनु बालि गोहम च्रय गरि नीरिथ
तनु नो फीरिथ आहम ज़ांह
नॅदरे हच्चि मे फोरहम चूरो
बु गूर गूरय करॉयो
बु ति हा ऑसुस जनतुच हूरो
लॉन्य चूरन कॅरुम मच्चि गांगल
ख्वनि हो ललुवथ यावन चूरो
बु गूर गूरय करॉयो



(५)

गूर गगरायन गूर गगरायन

नालस वछुयो मालु दोरायन
गूर गगरायन गूर गगरायन
चे तु बेयि चान्यन यिमन दूद बायन
गूर गगरायन गूर गगरायन
मखर्मल्य जोर छुय च्वंजु तय दायन
गूर गगरायन गूर गगरायन
फेरनि तिमु थव खलवख शायन
गूर गगरायन गूर गगरायन
रोछुनखो नूरुद्दीन साँबुन्य सायन
गूर गगरायन गूर गगरायन
जोरस गाह द्युत स्वनु मुलु मायन
गूर गगरायन गूर गगरायन
नालस वछुयो मालु दोरायन
गूर गगरायन गूर गगरायन



(६)

करयो गूरू गूरू

शाहु म्यानि बोहदूरो
करयो गूरू गूरू
माजि येलि प्योख थनय
गाह प्यव हेरि ब्वनय
कथि मे थव तु कनय
करयो गूरू गूरू
प्वफि येलि रोदुख क्वछय
बरिनय र्वपयि म्वछय
द्युतुनय र्वपयि लछय
करयो गूरू गूरू
मासि येलि ह्योतुनख क्वछय
बरिनय खासु म्वछय
यितमो ज़ून पछय
करयो गूरू गूरू
द्रायस लबि पँती
वुछमय पोशि पँती
दिल गोम मँत्य मँती
करयो गूरू गूरू

द्रायस बागु मँज़ी
वुछनस बागवॉनी
स्वय छम शरमँदी
करयो गूर गूरो
शामु रंगु बोहदूरो
करयो गूर गूरो



(७)

बोज़ू बु क्याह वनयो

रोज़ू लालो रोज़ू लालो
बोज़ू बु क्याह वनयो
लालु म्याने शुर्य खयालो
बोज़ू बु क्याह वनयो

रोज़ू लालो रोज़ू लालो
बोज़ू बु क्याह वनयो
अनंत नागय र्वनि मंजुला
चानि पुछे अनुनावुयो
मंजुलिस मंज गूर करयो
दूर कन अँलुरावयो

दरु हँद्यन छय कोरि हना
स्वय च्चे किच्च अनुयो
तिम हा दिनम मोहरु लछा
स्वय बु शेछ वनुयो

रोज़ू लालो रोज़ू लालो
बोज़ू बु क्याह वनुयो



(८)

व्वलु हो करय व्वलु हो करय

व्वलु हो करय व्वलु हो करय
व्वलु हो करय व्वलु हो करय
यँज़मनु गम क्या छुय दिलस
एहसान वँगरिनय मुश्किलन
तमि डेडि तलु के रहबरो
व्वलु हो करय व्वलु हो करय
श्वनिदार र्वनि दामानु गंड
प्रोन शेर रुत सामानु गंड
बरु अछु तु नतु मा गछु बरय
व्वलु हो करय व्वलु हो करय
तार नावि दिथि असि तारु वोल
बाकी बहाना मॉज तु मोल
ड्यकु आसि तेलि म्वखताबरय
व्वलु हो करय व्वलु हो करय



(९)

गूर गूर करुयो लँजियो मॉजी

गूर गूर करुयो लँजियो मॉजी
कनु दूर गरुयो लँजियो मॉजी
गूर गूर करुयो लँजियो मॉजी
सुबहुकि सिरियो लँजियो मॉजी
गूर गूर करुयो लँजियो मॉजी
स्वन र्वफ गरुयो लँजियो मॉजी
गूर गूर करुयो लँजियो मॉजी
खिरु खॉस्य बरुयो लँजियो मॉजी
गूर गूर करुयो लँजियो मॉजी



(१०)

हो हो हो हो करॉय

हो हो हो हो करॉय
स्वनु सुंघ दूर गरॉय
आयिखय सोन गरॉय
हो हो हो हो करॉय
वदु वदु बु नय ज़रॉय
गूर गूर मंज़लिस करॉय
हो हो हो हो करॉय
मोदुर्य वचन परॉय
गूर गूर मंज़लिस करॉय
हो हो हो हो करॉय
ऊचकस चूनि जरॉय
दूरन म्वख्तु बरॉय
हो हो हो हो करॉय



(११)

वला वला रायो क्वलि वुज़ि पोनी

वला वला रायो क्वलि वुज़ि पोनी
वला वला रायो क्वलि वुज़ि पोनी
साँबुनि ज़्यनु आव वेथि वेथि वोनी
वला वला रायो क्वलि वुज़ि पोनी
जातुक ल्यखनि ओय सूरु ग्वसोनी
वला वला रायो क्वलि वुज़ि पोनी
नाँल्य त्रोट गरयो अर्दाह दोनी
वला वला रायो क्वलि वुज़ि पोनी
च्योन क्युत ओनुमय गंगु गंगु वोनी
वला वला रायो क्वलि वुज़ि पोनी
वला वला रायो क्वलि वुज़ि पोनी



(१२)

म्बमय यँडिस लगॉयो

मॉज हा गँयी गुयन गेडिस
म्बमय यँडिस लगॉयो
हमसायि गरु गँयि गुरस्य चँडिस
म्बमय यँडिस लगॉयो
मॉज हा गँयी गुयन गेडिस
म्बमय यँडिस लगॉयो
हृदय बब गोम पंजाब कुनुय
अँनी च्ने क्युत म्वलुल थान
ओड थवि अँती तय जोर सुवि अँडिस
म्बमय यँडिस लगॉयो
मॉज हा गँयी गुयन गेडिस
म्बमय यँडिस लगॉयो



(१३)

ब्व लॅल्य लॅल्य करॉयो

अंज़ुलि ओनुमय मंज़ुल मॅली
ब्व लॅल्य लॅल्य करॉयो
दुकानु अँनिमय किताबु मॅली
ब्व लॅल्य लॅल्य करॉयो
अनंत नागु अँनिमय रंगु दूज मॅली
स्वनु सुंद कलम गरॉयो
अँछर चॉप्य छम म्वख्तय पॅली
ब्व लॅल्य लॅल्य करॉयो
वेजि ब्रारि अँनिमय रंगु ख्राव मॅली
पाँट्य पुशठ करॉयो
ब्व लॅल्य लॅल्य करॉयो



(१४)

हो करॉयो ठोकरो

हो करॉयो ठोकरो
हो करॉयो ठोकरो
ज़ालायि हंडि नोकरो
हो करॉयो ठोकरो
तँस्य प्यठ कर तवकलो
हो करॉयो ठोकरो
राजि रेनि हंडि नोकरो
हो करॉयो ठोकरो
लक्ष्मी दियि रुत्य फलो
हो करॉयो ठोकरो
ज़ातुकस छी थँद्य बलो
हो करॉयो ठोकरो
वँम्य च्चे वँरनय गांगलो
हो करॉयो ठोकरो
ज़ियि नेरहम बुलबुलो
हो करॉयो ठोकरो
रँन्य अनुनय वुज़मलो
हो करॉयो ठोकरो
हो करॉयो ठोकरो



(१५)

वुठन लगय वुठॉनिये

वुठन लगय वुठॉनिये
टाँठ्य म्याँनी पठाँनिये
कोनय छिहम व्यठाँनिये
वुठन लगय वुठॉनिये
निन्दुर च्चे नय यिवाँनिये
दूद गलि गलि चवाँनिये
टाँठ्य म्याँनी पठाँनिये
वुठन लगय वुठॉनिये
गिँदनु च्च छख दवाँनिये
बाज़रु मंज़ुल ह्यवाँनिये
वुठन लगय वुठॉनिये
हिकट करान ग्यवाँनिये
दूदा बता ख्यवाँनिये
वुठन लगय वुठॉनिये
निंदुर च्चे नय प्यवाँनिये
मँज़िलि लोलय नच़ॉनिये
टाँठ्य म्याँनी पठाँनिये
कोनय छिहम व्यठाँनिये
वुठन लगय वुठॉनिये



(१६)

व्वला निकु बु हा लगय, ताम शौंगू सावथ

व्वला निकु बु हा लगय, ताम शौंगू सावथ
व्वला निकु बु हा लगय, ताम शौंगू सावथ
डैडी छुय अफसर सु हा गोवुय दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
मॅमी छयो अफसर स्व हा गॅयी दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
बॉय लालु छुय अफसर, सु हा गोवुय दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
बाबी छयो अफसर, स्व हा गॅयी दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
मासु टॉठ छयो अफसर, स्व हा गॅयी दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
व्वला निकु बु हा लगय, ताम शौंगू सावथ



(१७)

निंदरे ज्वलाह दिताँसे

निंदरे माँजी यिताँसे
निंदरे ज्वलाह दिताँसे
निंदरे माँसे यिताँसे
निंदरे ज्वलाह दिताँसे
बु हो वंदय पान च़े
पनुन जुव तु जान च़े
आया तु बता दिताँसे
निंदरे ज्वलाह दिताँसे
निंदरे मामुन्य दिताँसे
निंदरे बेने यिताँसे
निंदरे ज्वलाह दिताँसे
निंदरे माँजी यिताँसे
निंदरे ज्वलाह दिताँसे



(१८)

द्वदय वृठन लगॉयो

मोल हो गोवुय गामन गुठन
द्वदय वृठन लगॉयो
फर्श थोवुनय वॅरिथ कुठ्यन
द्वदय वृठन लगॉयो
द्यद हो गॅयी गामन गुठन
द्वदय वृठन लगॉयो
मोल गोवुय गामन गुठन
द्वदय वृठन लगॉयो



(१९)

म्यानि निंदरे हति लो

म्यानि निंदरे हति लो
गूर करुयो स्वति लो
म्यानि निंदरे हति लो
आख म्याने वति लो
म्यानि निंदरे हति लो
हो करुयो दशि मति लो
म्यानि निंदरे हति लो
बब गोवुय लति लो
म्यानि निंदरे हति लो



(२०)

म्यानि डखलो तु छॉग्यलो

म्यानि डखलो तु छॉग्यलो
म्यानि डखलो तु छॉग्यलो
छॉगिस पॅलिलाह मलयो
यॅज़मनुने छॉग्यलो
म्यानि डखलो तु छॉग्यलो
म्यानि डखलो तु छॉग्यलो
ख्वजि साँबुनि छॉग्य लो
छॉगिस अँतराह मलयो
म्यानि डखलो तु छॉग्यलो
म्यानि डखलो तु छॉग्यलो
राजि रेनि हुँदि छॉग्यलो
छॉगिस अदफर मलयो
म्यानि डखलो तु छॉग्यलो
म्यानि डखलो तु छॉग्यलो
यॅज़मन बायि हुँदि छॉग्यलो
छॉगिस मनकाह मलयो
म्यानि डखलो तु छॉग्यलो
म्यानि डखलो तु छॉग्यलो



(२१)

बेदार गछतो निंदरे

मति द्वद चतो दूरिये
बेदार गछतो निंदरे
लालु छुमय व्वडु नोन पकान
मे छमय वॉलिंज दज़ान
नाव सोज़सय तूर्यये
बेदार गछतो निंदरे
यार गोम शालुमॉर ताम
मे कोरुन मंदिन्यन शाम
तति छे कोतर जूरिये
बेदार गछतो निंदरे
कमि वति लारस बाल
वनुहस पनुनुय हाल
सालु यियिना यूर्यये
बेदार गछतो निंदरे



(२२)

ख्वनि ख्वनि ओसूमय

लालु छुमय माँसूमय
ख्वनि ख्वनि ओसूमय
गरि गरि गोछूमय
लालु छुमय माँसूमय
बागु बागु छोरूमय
लालु छुमय माँसूमय
वति वति गोरूमय
लालु छुमय माँसूमय
कथि प्यठ रूठूमय
दूरि दूरि ब्यूठूमय
लालु छुमय माँसूमय
ज़ॉजिनस बाल गमय
तस कति वँन्य दिमय
लालु छुमय माँसूमय
ख्वनि ख्वनि ओसूमय



(२३)

गूर करुये, गूर करुये

गूर करुये, गूर करुये
यँद्राज़ुन्य कूर करुये
गूर करुये, गूर करुये
दिला रामुन्य कूर करुये
गूर करुये, गूर करुये
शोक स्वंदर कूर करुये
स्व छय काँन्य, बु क्या करुये
गूर करुये, गूर करुये



(२४)

दूर दौन्य दूर दौन्य

गूर रौन्य गूर रौन्य
दूर दौन्य दूर दौन्य
हौर म्यौनी नुंद बौन्य
दूर दौन्य दूर दौन्य
प्रेथुवन्य मान मौन्य
दूर दौन्य दूर दौन्य
प्रेन्य ज़न शीनु मौन्य
दूर दौन्य दूर दौन्य
बख्तु बँड कूर सौन्य
दूर दौन्य दूर दौन्य
हौर्य तापु रूदु श्रौन्य
दूर दौन्य दूर दौन्य
गुलि यठि स्वनु दौन्य
दूर दौन्य दूर दौन्य
गूर रौन्य गूर रौन्य



(२५)

ख्वनि करुयो र्वनि मंजोलये

ख्वनि करुयो र्वनि मंजोलये
खानु माल्यो बरुयो लोलये
निकु लालु बरुयो लोलये
चानि बापथ छुम गछान होलये
यिवनुके बरुयो लोलये
ख्वनि करुयो र्वनि मंजोलये
मे छु तमना चोन यच्चकोलये
आदनुके बरुयो लोलये
निकु लालु बरुयो लोलये
ख्वनि करुयो र्वनि मंजोलये
ल्वलि ललवथ च्रलिहेम लोलये
ख्वनि करुयो र्वनि मंजोलये
खानु माले बरुयो लोलये
चानि बापथ छुम गोमुत होलये
ख्वनि करुयो र्वनि मंजोलये



(२६)

कति ओसहम करार छुयो

कति ओसहम करार छुयो
कति ओसहम करार छुयो
रुवनि ग्वडन बेनि लँजियो
कति ओसहम करार छुयो
क्वछि नाबद तु प्वफ लँजियो
कति ओसहम करार छुयो
खासु वथरय तु मास लँजियो
कति ओसहम करार छुयो
बागु अँदरय नाग वुज़ियो
कति ओसहम करार छुयो
थरि मसवल तु ही पँजियो
कति ओसहम करार छुयो
असि क्यमखाबु तन वँजियो
कति ओसहम करार छुयो
कति ओसहम करार छुयो



(२७)

नाद लायय हो कॅर्य कॅर्य

स्वनु फलि म्यानि लडरे दूको
नाद लायय हो कॅर्य कॅर्य
राज़् आंगन गिंदान छूखो
नाद लायय हो कॅर्य कॅर्य
राज़् बायव मॅल्य ह्योतूखो
नाद लायय हो कॅर्य कॅर्य
मॅल्य ह्यथ च्चु रज़ि खोतूखो
नाद लायय हो कॅर्य कॅर्य
रज़ि तौरिथ हटि गौडूखो
नाद लायय हो कॅर्य कॅर्य
हटि लॉगिथ प्रज़लान छूखो
नाद लायय हो कॅर्य कॅर्य



(२८)
करुयो हो तय हो

स्वनु म्वलु ह्योतमख कनु दूर गरुयो
करुयो हो तय हो
रुवनि दामानस लाल हो जरुयो
करुयो हो तय हो
थनु यनु प्योहम यावुन आमो
बामुन द्रामो लंजि बबरे
असुवुनि बुथि छुख लस तम सिरुयो
करुयो हो तय हो
बब यँद्राज़न मंजुलाह गोरुनय
जोर ह्यथ वॉती मातामाल
वीद तय गीता ब्रोंह कनि परुयो
करुयो हो तय हो



(२९)

करू माँज लँजियो हो तय हो

छ्वपु करू छ्वपु करू र्वपु नरि गरुयो
करू माँज लँजियो हो तय हो
सँखी सुंदि गोबुरो तँकिया बरुयो
करू माँज लँजियो हो तय हो
राजि सुंदि गोबुरो वाजि अथु गरुयो
करू माँज लँजियो हो तय हो
छ्वपु करू छ्वपु करू र्वपु नरि गरुयो
करू माँज लँजियो हो तय हो
प्वफि हुंदि टाठ्यो चपकल गरुयो
करू माँज लँजियो हो तय हो
पेतरु सुंदि गोबुरो अँत्रि तन मलुयो
करू माँज लँजियो हो तय हो
मामु सुंदि जिगरो शामु नाव करुयो
करू माँज लँजियो हो तय हो
छ्वपु करू छ्वपु करू र्वपु नरि गरुयो
करू माँज लँजियो हो तय हो



(३०)

दूर बलायि च़ँजियो

दूर बलायि च़ँजियो
मॉज बलायि लँजियो
मोल गोवुय गामन
सु हो यियी शामन
तँमिस बलायि च़ँजियो
मास बलायि लँजियो
बु हो सुवय अतलास
चंदस त्रावय र्वपयि सास
सूत्य ड्यकु बजीयो
दूर बलायि च़ँजियो
मॉज बलायि लँजियो
दूर बलायि च़ँजियो
सोन छुख शेर ताज
ड्यकु बड्यो करू राज
बाज़ ज़ेनुन्य तँजियो
दूर बलायि च़ँजियो
ही थँरा फॉजियो
दूर बलायि च़ँजियो
बेनि बलायि लँजियो
दूर बलायि च़ँजियो

(३१)

द्वदु बाछन लगुयो

द्वदु बाछन लगुयो
द्वदु बाछन लगुयो
मोज गॅयी कपसि काछन
द्वदु बाछन लगुयो
स्व छय ख्वनि ख्वनि रछन
द्वदु बाछन लगुयो
म आस वदन म आस तछन
द्वदु बाछन लगुयो
मोज गॅयी कपसि काछन
द्वदु बाछन लगुयो
स्व छय बॉर करन बाछन
द्वदु बाछन लगुयो
नहर्य ह्यथ गॅयि मकायि रॉछन
द्वदु बाछन लगुयो
ग्रंद छय करन सास लछन
द्वदु बाछन लगुयो
मोज गॅयी कपसि काछन
द्वदु बाछन लगुयो
द्वदु बाछन लगुयो
द्वदु बाछन लगुयो

(३२)

पनुन्य कूर्य लगॉये

बागुच बबुर्य तबाशीरी
पनुन्य कूर्य लगॉये
पनुन्य कूर्य आयख यूर्य
पनुन्य कूर्य लगॉये
बबन सगवी ग्वलाब डूरी
रंबुल्य मस्तस जराँये
रथ हय वंदय लॉवी मूरी
पनुन्य कूर्य लगॉये
माजि हय अँनिनय फँलिलु टूरी
अँज़िनि गर्दनि मलॉये
बोय ह्यथ आयख रोज़ुनि यूरी
पनुन्य कूर्य लगॉये
मे चानि हावसु ज़ु डूर्य चूरी
फँजुख सुली तु लगॉये
अनंत नागुच रंगय ज़ूरी
पनुन्य कूर्य लगॉये



(३३)

रँछिनय मौला बेयि हक ताला

अल्ला अल्ला रँछिनय मौला
रँछिनय मौला बेयि हक ताला
अल्ला अल्ला रँछिनय मौला
अल्ला अल्ला अल्ला अल्ला
रछथव ल्वलि तु वंदुयो कला
अल्ला अल्ला रँछिनय मौला
अल्ला अल्ला अल्ला अल्ला
मामन गोरुयो र्वपु चीन्य प्याला
अल्ला अल्ला रँछिनय मौला
रँछिनय मौला बेयि हक ताला
अल्ला अल्ला अल्ला अल्ला
रछथव ल्वलि तु वंदुयो कला



(३४)

अँछन बुकु आयि यो

अँछर वालन छयो दुकु
अँछन बुकु आयि यो
नुंद लालो हुकु हुकु
अँछन बुकु आयि यो
बब छुय गोमुत हबस पतु
द्यद छस वतु वुछानय
सुली द्राव हुकु हुकु
अँछन बुकु आयि यो
अपोर आंगन गँयोहम
मासि पनुनि नियोहम
स्वन ओसुय दुकु दुकु
अँछन बुकु आयि यो
लॉवस लॉवस अंगस अंगस
तँतिस हंगस तँतिस हंगस
बबुर लागय टुकु टुकु
अँछन बुकु आयि यो
नैदरि माँसे यिताँसे
नैदरि ज्वला दिताँसे
वदान वदान लोगुय सुकु
अँछन बुकु आयि यो

(३५)

मस्तानु माँज लँजीयो

अस्तानन ज़ालय तीलु पाँज
मस्तानु माँज लँजीयो
नाँल्य त्रावुयो स्वनु वाँज
मस्तानु माँज लँजीयो
दिवता छी सीरु बाँज
मस्तानु माँज लँजीयो
अस्तानन ज़ालय तीलु पाँज
मस्तानु माँज लँजीयो
खिरु खंडु हो बरय थाँज
मस्तानु माँज लँजीयो
अस्तानन ज़ालय तीलु पाँज
मस्तानु माँज लँजीयो
चानि बापत वस मे गाँज
अस्तानन ज़ालय तीलु पाँज
मस्तानु माँज लँजीयो



(३६)

चु मु गछ गुमन गुमॉनुय

चु मु गछ गुमन गुमॉनुय
चु मु गछ गुमन गुमॉनुय
कजुल करॉय बुमॉनुय
चु मु गछ गुमन गुमॉनुय
सोर द्वह वोतुम प्रारानुय
चु मु गछ गुमन गुमॉनुय
बाँय बंद छी विसानुय
चु मु गछ गुमन गुमॉनुय
कर्म लोन चोन असानुय
चु मु गछ गुमन गुमॉनुय
कनु दूर छी अलानुय
चु मु गछ गुमन गुमॉनुय
कंदु चंदु छी बरानुय
चु मु गछ गुमन गुमॉनुय
चु मु गछ गुमन गुमॉनुय



(३७)

बु वंदय शूश

बु वंदय शूश
तथ छुनु दूश
मॉल्य हबा ओनुनय
क्वलु गामि कूंश
छुन्य तव खोरन
नेरुम दोरन
तथ गछि कुर कुर
यॅड च़लि पुर पुर
फेरुम शहरन
नेरुम दोरन
रंगु बसि गुर गुर
यॅड च़लि पुर पुर



(३८)

रामाजी रामाजी

रामाजी रामाजी
निकस लॅसिनम मामाजी
रामाजी रामाजी
बिलस लॅसिनम मामाजी
पापाजी लॅसिनय
हॅस्यतिस खॅसिनय
रामाजी रामाजी
बिटस लॅसिन मामाजी
साँबु लालु लॅसिनय
आकाश खॅसिनय
तस ति लॅसिनम मामाजी
रामाजी रामाजी
निकस लॅसिनम मामाजी



(३९)

चु कति कत्यो ओसुहम

चु कति कत्यो ओसुहम
नाबद बरय खॉस्य हन
दुदु बतु बरयो बॉस्य हन
चु कति कत्यो ओसुहम
न्यामचु बरय खॉस्य हन
खँजुर बरय बॉस्य हन
चु कति कत्यो ओसुहम
नालस जरय लालु मन
खिरु खंडु बरय थालु हन
चु कति कत्यो ओसुहम
नाबद बरय बॉस्य हन
किशमिश बरय खॉस्य हन
चु कति कत्यो ओसुहम



(४०)

लालु फलि जिगरो, कालु कति ओसुहम

लालु फलि जिगरो, कालु कति ओसुहम
लालु फलि जिगरो, कालु कति ओसुहम
लक्ष्मी आंगन धनु मंगान ओसुहम
लालु फलि जिगरो, कालु कति ओसुहम
शारिकायि आंगन अन्न मंगान ओसुहम
लालु फलि जिगरो, कालु कति ओसुहम
रॉगिन्यायि आंगन ओर जुव मंगान ओसुहम
लालु फलि जिगरो, कालु कति ओसुहम
सरस्वती मातायि ब्वद मंगान ओसुहम
लालु फलि जिगरो, कालु कति ओसुहम
कालिकायि आंगन आय मंगान ओसुहम
लालु फलि जिगरो, कालु कति ओसुहम
लालु फलि जिगरो, कालु कति ओसुहम



(४१)

बारु ज़ॉल्य बागस वोवुमय लॉर ब्योल

बारु ज़ॉल्य बागस वोवुमय लॉर ब्योल
खनुबॅल्य वति नेरि म्योन खानुमोल
पतु पतु सोज़स पनुन दूदु मोल
बारु ज़ॉल्य बागस वोवुमय लॉर ब्योल
रॅछिनय ख्वनि तय गरस मंज़ोल
बारु ज़ॉल्य बागस वोवुमय लॉर ब्योल
ग्रटु प्यठु पिशिसय वुशकय ब्योल
रनु सय साला बरुसय लोल
बारु ज़ॉल्य बागस वोवुमय लॉर ब्योल
करुसय माँज़िराथ बरुसय लोल
बारु ज़ॉल्य बागस वोवुमय लॉर ब्योल



(४२)

क्वच्छि ह्यमथ

म्यानि जिगरो ललुनावथ

क्वच्छि ह्यमथ

ललुनावथ सुलुनावथ

क्वच्छि ह्यमथ

द्वदु दानय फाँफुलावथ

क्वच्छि ह्यमथ

दामु दामय द्वद बु चावथ

क्वच्छि ह्यमथ

चूरि थावथ कस च्चु हावथ

क्वच्छि ह्यमथ

ऑलु नाबद ख्यावुनावथ

क्वच्छि ह्यमथ

बाशि करुहम बोलुनावथ

क्वच्छि ह्यमथ



(४३)

मुलु तलु माय छम चॉनिये

जिगरुच वंदुयो दॉनी दॉनी
मुलु तलु माय छम चॉनिये
सति सामानु हो रँछ लॉल चॉनी
स्व हा छय यँन्न रंबुवॉनिये
चु हा छुख आसुवुन तु स्व छि लूबुवॉनी
मुलु तलु माय छम चॉनिये
यथ पोशि बागस वँरुम बागवॉनी
सग दितुस शाह जीलॉनिये
रोशि अछु पोशि मति बाग छावॉनी
मुलु तलु माय छम चॉनिये
वेरि चानि पुरिथ थॉव नुंदुबॉनी
तोर लॉज अज़लय लॉनिये
नूरनि हूर छय पानु वॉनी
मुलु तलु माय छम चॉनिये



(४४)

तवय आव ओबरोय

छी छी बालि गोबुर ज़ाव
तवय आव ओबरोय
वंदु हय च़ोल बहार हय आव
फुलय दूरि वनन लँज
स्वंदर मालि तमना द्राव
तवय आव ओबरोय
फुलय लँज तु मेवु द्राव
छे शॉदी सॉनिस वँबीलस
खसुन गुर तु वसुन्य नाव
तवय आव ओबरोय
छी छी बालि गोबुर ज़ाव
तवय आव ओबरोय



(४५)

गूर गूर गूर गूर

छी नय मॅच्ची कनन दूर

गूर गूर गूर गूर

यॅड सबूर आय पूर

गूर गूर गूर गूर

छी नय मॅच्ची कनन दूर

गूर गूर गूर गूर

सॉबु लालस बलाय दूर

गूर गूर गूर गूर

आय पूर उमर पूर

गूर गूर गूर गूर

ड्यकस टिकु बुथिस नूर

गूर गूर गूर गूर

छी नय मॅच्ची कनन दूर

गूर गूर गूर गूर



(४६)

लालु आमय शालु हर्यन श्वन्य करान

लालु आमय शालु हर्यन श्वन्य करान
लालु आमय शालु हर्यन श्वन्य करान
वच्चि दौलॅच्च दूरि आमय अश करान
लालु आमय शालु हर्यन श्वन्य करान
स्वख तु स्वकरथ पानय आमय बॉगरान
लालु आमय शालु हर्यन श्वन्य करान
म्वख्तु जोरमस बालि आमय स्वन जरान
लालु आमय शालु हर्यन श्वन्य करान
सिरिं चँद्रम अज़ छि लालस गथ करान
लालु आमय शालु हर्यन श्वन्य करान
हूरि तनि छस पॅगलिलु तय नाफय मलान
लालु आमय शालु हर्यन श्वन्य करान
नॉल्य हँज़रु तु र्वनि ग्वड तस कित्य गरान
लालु आमय शालु हर्यन श्वन्य करान
लालु आमय शालु हर्यन श्वन्य करान



(४७)

चितु बालन तय चितु बालन

चितु बालन तय चितु बालन
चितु बालन तय चितु बालन
छ्वन्य छ्वन्य करतो दंदु मालन
चितु बालन तय चितु बालन
कनु दूर गरुयि दून लालन
चितु बालन तय चितु बालन
वॅजिनस चॉनी मुह ज़ालन
चितु बालन तय चितु बालन
नाबद बरुयो स्वनु थालन
चितु बालन तय चितु बालन
कलि चानि ऑसुस नय नालन
चितु बालन तय चितु बालन
खसुवव फेरुनि पांचालन
चितु बालन तय चितु बालन



(४८)

चु कति ओसुख वुनिस ताम

चु कति ओसुख वुनिस ताम
चु कति ओसुख वुनिस ताम
फयरन सुवुय ख्वरन ताम
चु कति ओसुख वुनिस ताम
मालु गरय टैङ्चन ताम
चु कति ओसुख वुनिस ताम
ख्वनि मंज़ करय बु राम राम
चु कति ओसुख वुनिस ताम
मंज़लि ललुवथ सुबह शाम
चु कति ओसुख वुनिस ताम
माहरेन्य अनय गुल अंदाम
चु कति ओसुख वुनिस ताम
चु कति ओसुख वुनिस ताम



(४९)

द्वद कुनान वलॉय द्वद गूरी लोलो

द्वद कुनान वलॉय द्वद गूरी लोलो
द्वद कुनान वलॉय द्वद गूरी लोलो
राजि लालस फिरी द्वद टूरी लोलो
द्वद कुनान वलॉय द्वद गूरी लोलो
कनन गरुयो स्वनु दूर जूरी लोलो
द्वद कुनान वलॉय द्वद गूरी लोलो
नाव दौलत छुये किनु नूरी लोलो
द्वद कुनान वलॉय द्वद गूरी लोलो
अनंतनागुच हये रंगु ज़ूरी लोलो
द्वद कुनान वलॉय द्वद गूरी लोलो
ड्यकु फवलुवुन तु चेश्मु मस टूरी लोलो
द्वद कुनान वलॉय द्वद गूरी लोलो
रँछिखय बबन किनु माजि च़ुय कूरी लोलो
द्वद कुनान वलॉय द्वद गूरी लोलो
द्वद कुनान वलॉय द्वद गूरी लोलो



(५०)

कोस्तूर करय नाव

चतम द्वद तु लदय दूरि
कोस्तूर करय नाव
नागस स्नान कर्योम हूरि
बागुच ही च्चु चावख ना
लॉगिथ शीरु वुछथ दूरि
कोस्तूर करय नाव
खोतुहम सिरि सुली पूरि
रँछिथ र्वनि मंजुलिस मंज
छिहम च्चोंग दज़ान ज़ूरि
कोस्तूर करय नाव
ख्यावथ खंड तु शकर च्चूरि
गरय पानु कनय दूर
द्राहम बामन लावे मूरि
कोस्तूर करय नाव



(५९)

सानि गरि ज़ावय निकु बायि लोलो

सानि गरि ज़ावय निकु बायि लोलो
सानि गरि ज़ावय निकु बायि लोलो
कोरुथ क्या म्योनुय पायि लोलो
ऑठ र्यथ येलि मे अदा गॅये
नॅविमि र्यतु ज़ामय निकु बायि लोलो
त्रेयिमि दूहु त्रुयि बतु रनुनोवुम
फोत ह्यथ मे मालिन्य आयि लोलो
वॅह्यमि दूहु द्रायस अँदरु न्यबर
खास्यन फिरवय चायि लोलो
बॅह्यमि दूहु ब्रांदस प्यठ वॅडिथ ओनुखो
स्वरगु मंज़ु पोश खोत आयि लोलो
त्रुवॉह्यमि दूहु आवय माल्युन क्रोन
ललुवान छय बंगॉल्य बायि लोलो
रुवनि मंज़ुलिस मंज़ करय गूर गूर
अँलुरान च्वंज़ु तय दायि लोलो
रंगुदार वोनय बॅनियानाह
तथ लगन सलुये डायि लोलो
अनु प्रॉविश वॅरमय च्ने
थाल ओनुम स्वनु मुलु मायि लोलो

वोहरवोद चोनुय येलि वोतुम
ज़ियाफ़च्चु कर्यम बे वायि लोलो
येमि विज़ि द्राहम च़ाटु हालस
वनु वुनि विग्यने द्रायि लोलो
च़्वचि बॉगुरनि बु पानु द्रायस
खानु मॉलिस लग्यम आयि लोलो
सानि गरि ज़ावय निकु बायि लोलो



(५२)

हो तु हो सँलिये

हो तु हो सँलिये
ग्वलाब थर्यन तँलिये
मोज यियी वँलिये
स्व छय व्वटि लिवान दान
अनी म्वंगु पँलिये
हो तु हो सँलिये
मोल यियी वँलिये
सु छुय गोमुत स्वनुर्य वान
बुंगरि अनी मँलिये
हो तु हो सँलिये
बोय यियी वँलिये
सु छुय गोमुत छानु वान
ख्राविहन अनी मँलिये
हो तु हो सँलिये
बेनि यियी वँलिये
स्व छय गँमुन्न अस्तान
अनी नूर पँलिये
हो तु हो सँलिये



(५३)

व्वलु व्वलु शोक पॅछी नो

व्वलु व्वलु शोक पॅछी नो
व्वलु व्वलु शोक पॅछी नो
नेंदुर करुन्य तॅजी नो
व्वलु व्वलु शोक पॅछी नो
वातख मकु मॅदीनो
व्वलु व्वलु शोक पॅछी नो
म्यॉन्य वॉचुय शेछी नो
व्वलु व्वलु शोक पॅछी नो
अॅछ प्यठ ज़रय मॅछी नो
व्वलु व्वलु शोक पॅछी नो
व्वलु व्वलु शोक पॅछी नो



(५४)

ख्वनि हय ललवथ कूरिये

व्वलय व्वलय कूरिये
ख्वनि हय ललवथ कूरिये
अबा जानुन्य कूरिये
ख्वनि हय ललवथ कूरिये
कोस्तूर्य वनुच हूरिये
ख्वनि हय ललवथ कूरिये
नाव हय करय कूरिये
ख्वनि हय ललवथ कूरिये
ख्यावथ द्दुदु बतु कूरिये
ख्वनि हय ललवथ कूरिये
ख्वनि हय ललवथ कूरिये
बब हय वाती यूरिये
ख्वनि हय ललवथ कूरिये
अनी हय स्वनु दूर जूरिये
ख्वनि हय ललवथ कूरिये
व्वलय व्वलय कूरिये
ख्वनि हय ललवथ कूरिये



(५५)

निकस साल मातामाल

निकस साल मातामाल
निकस साल मातामाल
मातामालव कौरुय साल
ज़लिथ ठूल, खुलिथ दाल
निकस साल मातामाल
निकस साल मातामाल
चु वुछ मामु संज़ुय चाल
निकस सॉनिस कौरुन साल
निकस साल मातामाल
निकस साल मातामाल
चुंडु तु ग्रुंडम म्वंगु दाल
ओखुन सॉबस खतनहाल
निकस साल मातामाल
निकस साल मातामाल
अनय रीशमी रुमाल
चुय छुख जौहर चुय छुख लाल
निकस साल मातामाल
निकस साल मातामाल



(५६)

म्यॉन्य डोलन मॉलिये

म्यॉन्य डोलन मॉलिये
म्यॉन्य डोलन मॉलिये
तथ छि बंदु बंदु वॉलिये
म्यॉन्य डोलन मॉलिये
महराजस नॉलिये
म्यॉन्य डोलन मॉलिये
तथ छे म्वख्तुहार चॉलिये
म्यॉन्य डोलन मॉलिये
तोतु लालस नॉलिये
म्यॉन्य डोलन मॉलिये
राजि रेनि किच्च डॉलिये
म्यॉन्य डोलन मॉलिये
म्यॉन्य डोलन मॉलिये
म्यॉन्य डोलन मॉलिये



(५७)

छुमय लालस ग्वडन्युक द्वह

मे छि शे तु त्रे नव जोरु नालस
छुमय लालस ग्वडन्युक द्वह
बबु लालनिस जोरि दुशालस
छुमय लालस ग्वडन्युक द्वह
सति सिनि बतु बाँगरुन कालस
छुमय लालस ग्वडन्युक द्वह
चेन्य किञ्च कंदु शर्बत वालस
छुमय लालस ग्वडन्युक द्वह
लुकु सासस पृछय सालस
छुमय लालस ग्वडन्युक द्वह
बरसय मुतुहन मंज़ स्वनु थालस
छुमय लालस ग्वडन्युक द्वह



(५८)

दिल गोम शाद मे अमि छ्वनि छ्वन्यय

मंज़ुलिस चॉनिस गंजिमय र्वन्यय
दिल गोम शाद मे अमि छ्वनि छ्वन्यय
नालस चॉनिस गंजिमय र्वन्यय
दिल गोम शाद मे अमि छ्वनि छ्वन्यय
जामन चान्यन गंजिमय र्वन्यय
दिल गोम शाद मे अमि छ्वनि छ्वन्यय



(५९)

सोन व्वलो मति जानानो

डेडि तल बु वोतुस पानय
सोन व्वलो मति जानानो
चानि यिनु वॅरिम सामानय
सोन व्वलो मति जानानो
बु करय च्चे पोशि दसवानय
सोन व्वलो मति जानानो



(६०)

लाला दूर गरय निकिये निकिये

लाला दूर गरय निकिये निकिये
लाला दूर गरय निकिये निकिये
लाला कोर्यन करुवो येतिये
लाला दूर गरय निकिये निकिये
लाला पोशन करुयो पॅतिये
लाला दूर गरय निकिये निकिये
लाला बाँय बंद ऑसिनय येतिये
लाला दूर गरय निकिये निकिये
क्वछि रोछुनख माजि बगवँतिये
लाला दूर गरय निकिये निकिये
दशो गंजिमय मे सुलि परबँतिये
लाला दूर गरय निकिये निकिये
अथु डोलुनय पानु पारवँतिये
लाला दूर गरय निकिये निकिये
लाला दूर गरय निकिये निकिये



(६१)

क्वसू द्यद वंदुनय

लालु फलि चंद्रुनय
क्वसू द्यद वंदुनय
द्यदु छय वाराह
तु क्वसु अख वंदुनय
लालु फलि चंद्रुनय
क्वसू द्यद वंदुनय
म्यानि अकुनंदुनय
क्वसू द्यद वंदुनय
क्वछि मंजु गिंदुनय
क्वसू द्यद वंदुनय
बेनि हो ग्वंदुनय
क्वसू द्यद वंदुनय
न्याय छिमा अंदुनय
क्वसू द्यद वंदुनय
खंडुनय तु कंदुनय
क्वसू द्यद वंदुनय
लालु फलि चंद्रुनय
क्वसू द्यद वंदुनय



(६२)

गूर करुयो दुरदानो, बु हा ल्वलि ह्यमथ

गूर करुयो दुरदानो, बु हा ल्वलि ह्यमथ
गूर करुयो दुरदानो, बु हा ल्वलि ह्यमथ
शौक छुयो अछिवलुक, बु हा तूर्य निमथ
गूर करुयो दुरदानो, बु हा ल्वलि ह्यमथ
शौक छुयो पहलगामुक, बु हा तूर्य निमथ
गूर करुयो दुरदानो, बु हा ल्वलि ह्यमथ
शौक छुयो वेरनागुक, बु हा तूर्य निमथ
वेरनागुक्य चेरु पोशो, बु हा तूर्य निमथ
गूर करुयो दुरदानो, बु हा ल्वलि ह्यमथ
शौक छुयो पांपरुक, बु हा तूर्य निमथ
पांपरुकि क्वंगु पोशो, बु हा ल्वलि ह्यमथ
गूर करुयो दुरदानो, बु हा ल्वलि ह्यमथ
शौक छुयो क्वकरनागुक, बु हा तूर्य निमथ
क्वकरनागु के ख्वश हवावो, बु हा ल्वलि ह्यमथ
गूर करुयो दुरदानो, बु हा ल्वलि ह्यमथ
गूर करुयो दुरदानो, बु हा ल्वलि ह्यमथ



(६३)

गूर करुयो दूरय फलि लोलो

गूर करुयो दूरय फलि लोलो
गूर करुयो दूरय फलि लोलो
माजि रोछुखो मंज़ बाग ल्वलि लोलो
गूर करुयो दूरय फलि लोलो
बे औलाद क्या सना करि लोलो
क्वठि डलि तय शांदु मा डलि लोलो
बे सरसुय मछ कुस खलि लोलो
गूर करुयो दूरय फलि लोलो
माजि रोछुखो मंज़ बाग ल्वलि लोलो
गूर करुयो दूरय फलि लोलो
मॉल्य रोछुनख गौंडुनख हलि लोलो
बेनि रोछुखो बायि म्यानि कलि लोलो
प्वफु छयो वुछन थलि थलि लोलो
गूर करुयो दूरय फलि लोलो
माजि रोछुखो मंज़ बाग ल्वलि लोलो
गूर करुयो दूरय फलि लोलो
पेचनि रोछुखो हतुवार कलि लोलो
मामन्य द्यद छयो वुछन थलि थलि लोलो
सोरुय वॅंबीलु चानि गांगलि लोलो
गूर करुयो दूरय फलि लोलो

माजि रोछुखो मंज़ बाग ल्वलि लोलो
गूर करुयो दूरय फलि लोलो
गूर करुयो दूरय फलि लोलो
गूर करुयो दूरय फलि लोलो



(६४)

गोबर् लालो लँजियो पनुन्य मॉजिये

गोबर् लालो लँजियो पनुन्य मॉजिये
गोबर् लालो लँजियो पनुन्य मॉजिये
येम्य च्चे दिच्चय दूदस शेयत्रुह नॉजिये
गोबर् लालो लँजियो पनुन्य मॉजिये
जिगर गोशो स्व गछि करुन्य रॉजिये
गोबर् लालो लँजियो पनुन्य मॉजिये
येम्य च्चे दिच्चय च्चु नि यि शेयत्रुह नॉजिये
गोबर् लालो लँजियो पनुन्य मॉजिये
अँछन हुँदि गाशो स्व गछि करुन्य रॉजिये
गोबर् लालो लँजियो पनुन्य मॉजिये



(६५)

काव करान टाव टाव

काव करान टाव टाव
गोबुरु लालस मोल आव
काव करान टाव टाव
काव करान टाव टाव
गोबुरु जानस टोठ आव
काव करान टाव टाव
खानु माजि कोरि माम आव
काव करान टाव टाव
बापथुरस पेतुर आव
काव करान टाव टाव
काव करान टाव टाव



(६६)

करयो लॅदुर मालि चाने पोट

करयो लॅदुर मालि चाने पोट
छुहमो माजि भवानि हुंद टोठ
करयो लॅदुर मालि चाने पोट
छुहमो माजि शारिकायि हुंद टोठ
करयो लॅदुर मालि चाने पोट
छुहमो लक्ष्मी मातायि हुंद टोठ
करयो लॅदुर मालि चाने पोट
छुहमो माजि रॉगिन्यायि हुंद टोठ
करयो लॅदुर मालि चाने पोट
छुहमो पनुनि मातायि हुंद टोठ
करयो लॅदुर मालि चाने पोट
छुहमो पनुनिस बबु सुंद टोठ
करयो लॅदुर मालि चाने पोट
छुहमो पनुनि बेन्य देदि हुंद टोठ
करयो लॅदुर मालि चाने पोट
छुहमो पनुनिस बॉयिस टोठ
करयो लॅदुर मालि चाने पोट
छुहमो माजि भवानि हुंद टोठ



(६७)

कोतुय गोमय रेंज़ल म्योन

कोतुय गोमय रेंज़ल म्योन
कोतुय गोमय रेंज़ल म्योन
योर मय आव म्योन नुंदुबोन
कोतुय गोमय रेंज़ल म्योन
दरु बाय माजि पृछोम
योर मय आव रेंज़ल म्योन
रेंज़ल हय चोन, गोबुर हय छु म्योन
योर नय आव रेंज़ल चोन
कौलु बाय मासि पृछोम
योर मय आव रेंज़ल म्योन
रेंज़ल हय चोन दूर फोल म्योन
योर नय आव रेंज़ल चोन
बाँय राजस आँद्य वन्योम
ड्युंतुथन मा च्चे म्योन कर्म लोन
कर्म लोन चोन छु शेर ताज सोन
मे नय वुछमय रेंज़ल चोन
कोतुय गोमय रेंज़ल म्योन
कोतुय गोमय रेंज़ल म्योन



(६८)

शे त्रे नव जोर छिमय नालस

शे त्रे नव जोर छिमय नालस
मे छुय लालस नालस दूद
शे त्रे नव जोर छिमय नालस
मे छुय लालस नालस दूद
येज़य मानस ग्वलाब प्यालस
मे छुय लालस नालस दूद
शे त्रे नव जोर छिमय नालस
मे छुय लालस नालस दूद
शे त्रे नव जोर छिमय नालस
मे छुय लालस नालस दूद
बॉबी लालनिस हुस्न जमालस
मे छुय लालस नालस दूद
खुदॉय योछुसय पूरि कमालस
मे छुय लालस नालस दूद
शे त्रे नव जोर छिमय नालस
मे छुय लालस नालस दूद
मामय लालस लालु ग्वलालस
मे छुय लालस नालस दूद

खुर्दोय योछुसय अथ खत खालस
मे छुय लालस नालस दूद
शे त्रे नव जोर छिमय नालस
मे छुय लालस नालस दूद



(६९)

स्वनु म्वलु गरय कनु वॉल्य

स्वनु म्वलु गरय कनु वॉल्य
ही मॉल्य करय नाव
येलि दॅय च्चु ज़ायख बॉल्य
ज्यनु चानि क्याह पौर चाव
नीनख रॅछिख दूदु मॉल्य
ही मॉल्य करय नाव
च्चाटु हाल च्चु गॅयख बॉल्य
गाटुजारु लॅगी तार
किताबु त्राव्यथ नॉल्य
ही मॉल्य करय नाव
शाह ज़ादु आमूत सॉल्य
रोकन हय व्वथरावोस
ज़रबाफ शूबी नॉल्य
ही मॉल्य करय नाव



(७०)

स्वन्नलि मंजोम अंजोलये

स्वन्नलि मंजोम अंजोलये
स्वन्नलि मंजोम अंजोलये
बॉय हय गर्योम मंजोलये
ताजाह लॉगिथ व्वज्जोलये
राजाह लॅसिनम म्वलोलये
स्वन्नलि मंजोम अंजोलये
स्वन्नलि मंजोम अंजोलये
अँछन कोरमस कज्जोलये
ख्योन हय द्युतुमस स्वकोलये
छु राजि म्योनुय मछ्योलये
मासन तु प्वफन छु लोलये
स्वन्नलि मंजोम अंजोलये
स्वन्नलि मंजोम अंजोलये



(७१)

चरि हन चरि हन, चरि हन चरि हन

चरि हन चरि हन, चरि हन चरि हन
राजि लदि लरि हन, चरि हन चरि हन
बाला दरि हन, चरि हन चरि हन
वलय पोंबरि हन, चरि हन चरि हन
अनय रंगु चरि हन, चरि हन चरि हन
पँजी ही थरि हन, चरि हन चरि हन
मछि गंडय गरि हन, चरि हन चरि हन
चरि हन चरि हन



(७२)

दुर दुर होन्यो छैनियो नस

दुर दुर होन्यो छैनियो नस
दुर दुर होन्यो छैनियो नस
बु हा गिंदु पनुनिस निकु लालस
निकु निमन मासि देदि हुंद सालस
दुर दुर होन्यो छैनियो नस
दुर दुर होन्यो छैनियो नस
बिटु लालस कित्य अनव निक्थ निक्थ टंग
टंग ख्यमव पानस च्चे दिमय डंग
दुर दुर होन्यो फुटयो जंग
दुर दुर होन्यो फुटयो जंग
दुर दुर होन्यो छेनुयो कन
दुर दुर होन्यो छेनुयो कन
निका निका छ्वपु कर कनन त्रावय पन
कनन त्रावय पन, कनन त्रावय पन
दुर दुर होन्यो छेनुयो कन
दुर दुर होन्यो छैनियो नस
दुर दुर होन्यो फुटयो जंग
दुर दुर होन्यो छेनुयो कन



(७३)

चोन मातामाल पलुहालन छुम

चोन मातामाल पलुहालन छुम
चोन मातामाल पलुहालन छुम
अगर तिम बोज़नय, मिठायि डालि सोज़नय
मलायि हर क्याह दूदु प्यालन छुम
चोन मातामाल पलुहालन छुम
निंदरे प्यतुमो माम हो आवुय
न्यामचु बॅर्य बॅर्य चिन्य प्यालन छम
चोन मातामाल पलुहालन छुम
मामाजियन बूज़यो, प्वशाख डालि सोज़ियो
क्यमखाब बैयि बैयि जॅरी लालम छम
चोन मातामाल पलुहालन छुम
लालि फलि म्यान्यो पलुहालन छुम
चोन मातामाल पलुहालन छुम



(७४)

तला कन, तला कन

तला कन, तला कन
कनन छुनय म्वख्तु मन
तला कन, तला कन
राजि साँबस स्वनु तन
तला कन, तला कन
कनन त्रावय न्यूल पन
तला कन, तला कन
तन तु मन
तला कन, तला कन



(७५)

पकान पकान नाबद टकान

पकान पकान नाबद टकान
पकान पकान दॅम्यद् टकान
पकान पकान असान तु गिंदान
पकान पकान, म्वख्तु छकान
पकान पकान पौंबुर वलान
पकान पकान कोफूर मलान
पकान पकान नाबद टकान



(७६)

ल्वकटि श्राकु पुचे लो

बायि म्यानि बचे लो
ल्वकटि श्राकु पुचे लो
बायि म्यानि बचे लो
ल्वकटि श्राकु पुचे लो
लालु म्यानि बचे लो
ल्वकटि श्राकु पुचे लो
टाठि म्यानि बचे लो
ल्वकटि श्राकु पुचे लो
म्वख्तय हारु बचे लो
ल्वकटि श्राकु पुचे लो
प्वख्तय कारु बचे लो
ल्वकटि श्राकु पुचे लो
बायि म्यानि बचे लो
ल्वकटि श्राकु पुचे लो



(७७)

थपुवास थपुवास

अथुवास अथुवास, थपुवास थपुवास
साँबु लालस कोठय आस, थपुवास थपुवास
अथुवास अथुवास, थपुवास थपुवास
ल्वकुट म्वकुट राम दास, थपुवास थपुवास
मोल छुस कालु दास, थपुवास थपुवास
सु छुय गोमुत काँलास, थपुवास थपुवास
दान दिमव र्वपयि सास, थपुवास थपुवास
वरि करव खास खास, थपुवास थपुवास
अथुवास अथुवास, थपुवास थपुवास



(७८)

आयिर्य बलो

आयिर्य बलो
राजस वलो
अमृतु फलो
आयिर्य बलो
वलो वलो
आयिर्य बलो
मो कर छलो
आयिर्य बलो
चॉन्य मे कलो



(७९)

ज़रि पोप ज़रि पोप

ज़रि पोप ज़रि पोप
बाँय ओनुय दां पोप
सुय ख्यव असे
निकु लालु लसे
ज़रि पोप ज़रि पोप
पतु गिंदव अँन्य थोप
ज़ून ज़ँदुर खसे
निकु लालु लसे
ज़रि पोप ज़रि पोप
मॉल्य ओनुय दां पोप
सुय ख्यव असे
लायुन दूसे
श्रावुन बसे
सोन दिल असे
निकु लालु लसे



(८०)

आयि गरि मायि गरि

आयि गरि मायि गरि
निकस सॉनिस जंगु दरि
चु ति वन सॉ बडि बडि
बिलू जीयस जंगु दरि
बु हा लागस बँगरि नरि
निकु लालस लोल बरि
आयि गरि मायि गरि
निकस सॉनिस जंगु दरि
सुबहन शामन पूज करि
निकु लाल गीता परि
आयि गरि मायि गरि
निकस सॉनिस जंगु दरि
बवु सर सरु करि
तारु अपोर तरि
आयि गरि मायि गरि
निकस सॉनिस जंगु दरि



(८१)

शिहिज नैदुर पावुयो

बिश्तु ब्रोर आवुयो
शिहिज नैदुर पावुयो
खंड तु नाबद ख्यावुयो
बिश्तु ब्रोर आवुयो
दुदु ग्वला चावुयो
पानय मनुनावियो
किशमिश आपरावियो
शिहिज नैदुर पावुयो
न्यामँन्न अनुनावुयो
अतलास सुवुनावुयो
मामाजि हो आवुयो
रेडियो मंगुनावुयो
शिहिज नैदुर पावुयो
बिश्तु ब्रोर आवुयो
खंड तु नाबद ख्यावियो



(८२)

दारि किन्य हय च़ाव

गाशु मोत हय आव
दारि किन्य हय च़ाव
सुलि सुले द्राव
गाशि मोत हय आव
दारि किन्य हय च़ाव
पोंबर छिसय फेतिये
निकु लालस कितिये
हेतिमस हय लागुन्य
गँयसय रुत्य रुत्यये
रातस रटुहोन येतिये
पोशन करुहोस पँतिये
गाशु मोत हय आव
दारि किन्य हय च़ाव



Source: '**manzûlⁱ bâth**'.

Publication of Jammu & Kashmir Academy of Art, Culture & Languages,
Srinagar. Edition - 1990

Rewritten in Devanagari-Kashmiri script by M.K.Raina

Work completed on 13 June 2005 ~ Updated 30.03.2020
